

ANASIR ASING HANYA MANIS DI BIBIR

KUALA LUMPUR, Khamis — Anasir asing yang lantang mem-bela orang-orang tahanan ISA, tidak berniat langsung mengambil tahanan tersebut, demikian menurut sumber-sumber diplomat di sini hari ini.

"Kami rasa tidak ada satu pihak pun yang sedia mengambil orang-orang tahanan tersebut," kata seorang diplomat yang bertanggung-jawab.

Kerajaan Malaysia dua minggu lalu membuat tawaran kepada mana-mana golongan atau kerajaan asing yang kuat mengecam undang-undang ISA (Akta Keselamatan Dalam Negeri) supaya mengangkut pulang orang-orang tahanan ISA ke negara mereka.

Beberapa pertubuhan di barat termasuk 'Amnesty International' yang menganggap diri mereka sebagai pejuang perikemanusiaan mengecam penahanan anasir-anasir

subversif di Malaysia di bawah undang-undang ISA tersebut.

Para diplomat barat yang tidak mahu campurtangan dengan uru-

san rumahtangga Malaysia bagaimanapun berkata, kumpulan atau individu asing tidak mungkin berminat mengangkut orang-orang tahanan ISA.

Sumber diplomat itu berkata, golongan yang membantah ISA di negara barat adalah golongan kecil yang dikelirukan oleh pihak tertentu dan golongan itu antaranya termasuk orang-orang putus asa dari Malaysia sendiri yang bermastautin di luar negeri.

Beberapa kedutaan asing yang dihubungi berkata, sejauh ini mereka tidak menerima pertanyaan mengenai perkara mengambil orang tahanan ISA itu.

Jurucakap Kedutaan Amerika menerangkan, pihaknya tidak menerima pertanyaan mengenai perkara tersebut. Kedutaan-kedutaan Perancis, Switzerland dan British ketika dihubungi turut memberi jawapan yang sama.

Amnesty International, yang berpusat di London, sepatutnya mendahului badan-badan antarabangsa lain untuk mengambil tahanan-tahanan berkenaan memandangkan mereka yang lantang membantah penahanan tahanan ISA itu.

Bagaimanapun, sehingga ini tidak kedengaran apa-apa berita dari mereka atau badan-badan perikemanusiaan lain yang sering menyuarakan bantahan kepada Kerajaan Malaysia mengenai tahanan ISA tanpa dibicarakan.

Perdana Menteri, Datuk Seri Dr. Mahathir dua minggu lalu berkata, pihaknya tidak mendengar apa-apa berita dari "pertubuhan-pertubuhan yang menggelar diri mereka "pejuang perikemanusiaan itu".

Bahan asal dari Arkib
Negara Malaysia

21101
an. 145/85